

INSTRUCCIÓN DA XERENCIA DO 10 DE XANEIRO DE 2019 POLA QUE SE DÁ PUBLICIDADE Á CAMPAÑA DE VIXILANCIA DA SAÚDE 2019 NO ÁMBITO DA UNIVERSIDADE DA CORUÑA

Para dar cumprimento ao disposto no artigo 22 da Lei 31/1995 de prevención de riscos laborais, que establece que “o empresario garantirá aos traballadores ao seu servizo a vixilancia periódica do seu estado de saúde en función dos riscos inherentes ao traballo”, publícase esta convocatoria destinada a todo o persoal da Universidade da Coruña (PDI, PAS e PCP) para a súa inscrición na campaña de vixilancia da saúde 2019.

Esta inscrición realizarase cubrindo un formulario a través da páxina web do [Servizo de Prevención da UDC](#). Os procesos de citación levaráanse a cabo desde mediados de marzo ata mediados de outubro, dependendo do centro de traballo segundo a táboa estimatoria que se acompaña.

A inscrición debe incluír todos os datos que figuren no formulario. A falta dalgún deles impedirá a tramitación da solicitude.

O prazo de inscrición comezará o día seguinte á publicación desta resolución no taboleiro electrónico da UDC e **rematará o xoves día 14 de febreiro de 2019 ás 14.00 horas**.

A non inscrición neste período implicará que o/a traballador/a renuncia ao recoñecemento médico de forma voluntaria.

Este prazo non contará para o persoal de novo acceso ao posto de traballo ou aquel persoal que se incorpore ao posto de traballo logo de ausencia prolongada por motivos de saúde, que poderá inscribirse por medio dun formulario específico logo de avisar ao Servizo de Prevención, no momento en que se produza a súa (re)incorporación.

O calendario estimado de realización das probas de vixilancia da saúde é o seguinte:

CENTROS	PERÍODO APROXIMADO DE ATENCIÓN SANITARIA
Campus da Coruña - Reitoría e Club Universitario.	Meses de marzo e abril
Campus da Coruña - Riazor	Mes de abril
Campus da Coruña - Oza	Mes de abril
Campus da Coruña - Elviña	Meses de abril, maio, xuño e xullo
Campus da Coruña - A Zapateira	Meses de xullo, setembro e outubro
Campus da Coruña - Bastiagueiro	Mes de outubro
Campus de Ferrol	Meses de marzo, abril, maio, xuño, xullo, setembro, outubro e novembro

Os informes de vixilancia da saúde serán facilitados en soporte informático a cada traballador/a polo Servizo de Prevención Alleo.

A Coruña, 10 de xaneiro de 2019

O xerente

Ramón del Valle López

PERSOAL DE ADMINISTRACIÓN E SERVIZOS
PERSOAL DOCENTE E INVESTIGADOR
PERSOAL CONTRATADO CON CARGO A CONVENIOS E PROXECTOS DE INVESTIGACIÓN

Código Seguro De Verificación	4znKGzXE97V22pCF1+VCXQ==	Estado	Data e hora
Asinado Por	Xerente Ramón Alberto Del Valle López	Asinado	10/01/2019 13:57:33
Observacións		Páxina	1/1
Url De Verificación	https://sede.udc.gal/services/validation/4znKGzXE97V22pCF1+VCXQ==		

